

寶應縣志卷二十一

列女志

節孝 孝女 孝婦

高氏女

矢志不嫁奉母撫兄子

朱應辰妻仲

母趙病篤女割股和藥以進母得愈見康熙志

朱懷元女

杜成德女

高之復女

某氏二女

劉橋女

董

氏女

以上均道光二十六年旌

祁應魁女

潘引年次女

王春發女

華洋女

周

彥邦女

彥邦無子女不嫁願代子職奉親年十九父故投繯以殉 同治三年旌

姚文燦女

幼性純篤不嫁奉親數十年如一日

苗慶餘女

慶餘無子女奉養雙親弗懈父母歿有以許字諷者女奮不欲生親

族力勸方止得遂其志

寶應縣志

卷二十一

節孝

人物志

民人趙文寬女幼事父母至孝為擇配輒泣不忍棄父母父母歿事兄嫂亦如之兄歿女以傭工所積備喪葬之費撫姪如己出為之完姻經歿遺孤五歲女撫養成立復為之娶慨然謂嫂曰今而後可以對我父母及兄於九泉矣寢疾數日而歿年七十六

國學生王維垣次女年十八母病危割股以進撫一弟一妹恩勤備至居恆禱神茹素冀延父壽父行事或有所偏必婉言以諫遭赭寇亂聞警移居鄉村罕有見其面者居三年父卒女病瘵歸故居疾革時猶以弟妹未成立為憂幼許字劉姓二十二歲未嫁而逝

以上均同治九年旌

候選訓導問洛長女

六品銜從九華德揚妻父母病
刲股以救 同治十三年旌

薛廷曙繼妻錢家極貧以針黹養二親遇歲荒自甘饑
餓而奉親則厚母病刲股煎湯以進母病以愈年六十

七卒

施彭懷繼妻錢

天性篤厚母病食寢皆廢刲股煎湯以奉夫
病亦刲臂以療之 以上均光緒五年旌

陝西候補直隸州知州徐應祥女

嘉定縣人寄寓寶應
光緒十二年旌

姚尚純

女 安徽貴池人

太學生兩淮鹽巡廳王謙妻季

湖北荊州衛季光斌女
在室事親至孝父疾嘗

刲臂肉療之

李元鳳女

奉母不嫁 以上
光緒十四年旌

南河補用遊擊季光斌女

兩適

淮補用鹽巡檢王謙
光緒十九年旌

附生劉芙妻居

居如棟女 光緒二
十五年由揚州旌

寶應縣志

卷二十一

節孝

二

列女志

袁氏女名加修父代福家貧無子女勤針黹奉甘旨矢志不字以代子職親歿後教養弱妹為之擇壻嫁焉城北有從容菴舊為袁氏家祠破敗久無僧尼女出資購田葺而居之守貞奉佛垂三十餘年光緒間以孝女旌建坊入祀

諸生王寶齋女年及笄遭母喪哀毀逾常矢志不嫁嘗語人曰吾父衰老吾無兄弟願終身事之父歿欲以身殉鄰人數勸乃止年四十益自刻苦茹素諷經未嘗稍逾禮法里人稱之

以上光緒
年間旌

萬來同女

適沈則琦

朱印保女

姜鸞之次女

以上宣統
二年旌

成廷妙國學生近章女性至孝慕古北宮嬰兒子之爲人父母鑒其誠遂貞而不字雅好文史而烹飪縫紉之事未嘗廢也光緒三十年近章病卒女仰藥死時年二十七

高長春女真修

親老無子守貞不嫁以代子職 以上已旌未詳年代

朱孝女住城東華家城父母歿遺一弟甚幼女矢志不嫁躬自撫弟爲之聘娶女雖農家子而言動有禮故其鄰人咸敬之弟感其德時時稱述遠近咸知有朱氏孝女儒學教諭邵訓導楊聞之以志潔行芳四字額其門劉瑞符女淮安人寄居本邑以父母無子矢志不嫁其寶應縣志

卷二十一

節孝

三

列女志

戚某欲舉其孝行錄送請旌女聞之愀然曰事父母分耳何可以此博孝名也力阻不許事母二十餘年年五十七卒

太學生梁際泰之四女

奉母不嫁 以上未旌

以上孝女

盧緯妻郭于歸時舅姑俱歿祖翁瑀邑諸生年八十餘緯事祖孝家貧不給於供氏毀妝珥佐夫子以進甘旨及瑀年逾九十齒落少食氏勺哺女乳溫而進之瑀每祝曰余受孝婦養願早生賢子以報之後氏生子名佛祐能殖其家稱素封焉

薛某婦某 楊永齡妻羅 姑金病篤氏割肝為羹以進得愈 潘俊妻吉 姑趙病篤氏割

股為羹以進得愈 庠生成康泰妻薛 嫁三日姑病割股以進得愈 成某妻曹 薛氏媳亦割股救姑姑

庠生成於樂妻孫 兩割股愈姑病以子康保贈孺人 孝子吉心培妻張 某

妻楊 割肝療姑 以上道光二十三年旌

孝子王封妻陳割股療母凡三次居舅姑喪淚沾衣成

血父卒冒雪跣數十里奔喪夫櫬停室中鄰火起陳伏

櫬悲號竟得免人謂孝感所致

孝子王德尊妻孫 夫婦並孝翁病夫割股氏繼之姑年九十侍奉不假婢嫗 孫某妻某 乞食奉姑

劉履憐妻成 侍姑疾夜嘗不寐姑歿遂不起 中書祁元福妻張 割臂瘡姑 楊維幹

妻施 王鑑繼妻游 貢生成書雲繼妻湯 割臂瘡夫 李田

寶應縣志 卷二十一 節孝 四 列女志

妻萬 割股愈祖姑疾 萬興如妻吉 姑疾嘗穢夫病割股 萬芳春妻施 割股療翁 王登樓

妻藍 守節孝翁撫孤成立 孫某妻某 張錫瓚妻趙 以上咸豐十一年恩詔同治三年至四年旌

房立中妻楊事姑至孝姑病割股以進病雖獲愈臥床

不能起者三年氏事之益謹昕夕不離精意體貼雖污

穢不避姑卒哀毀骨立茹淡素三年油鹽未嘗入諸口

監生吳國幹妻湯事舅姑極孝舅有疾氏割股以救之

從九品呂政熙繼妻喬賢孝慈祥姑病割股救姑姑歿

遵遺命敬夫倍摯撫前出子如己出

監生成廷繁妻黃事姑極孝姑染重疾氏衣不解帶焚

香告天願以身代割股和藥以奉凡姑坐臥必親扶持

歷寒暑無間病中更爲嘗穢以驗病情焉

監生梁大鈞妻成年二十四于歸克盡婦道得姑歡心
大鈞歿氏忍痛代修子職姑得中風疾手足偏枯不能
自主氏侍左右飲食梳櫛洗滌污穢必躬親之歷十餘
年如一日姑忘其苦姑歿盡哀盡禮茹素終身本邑吳
廣文戴廣文給節懍冰霜額龔邑侯給志全節孝額以
旌之

山西汾州府知府朱百遂妻陳江西布政使儀徵陳嘉
樹女生母沈早歿氏事嫡母如所生母卒氏悲慟成疾
年二十一歸朱姑田病氏日夜祈禱剖臂和藥進得愈

寶應縣志

卷二十一

節孝

五

列女志

明年舅士恭患氣痛氏剖臂煎橘葉湯進之痛立止旋
患瘡氏復剖臂入藥亦愈邑人爲請旌於朝入祀節孝

祠

以上均同治九
年至十一年旌

處士芮景奎妻刁庠生金潤女幼以孝聞父疾篤親奉
湯藥嘗穢憂心于歸後事舅姑尤篤姑患病氏侍疾年
餘衣不解帶夫歿柩停于室鄰火延燒幾及氏以身蔽
棺誓與俱盡竟得無恙

庠生盧德明妻吳事姑至孝姑病侍奉備至衣帶不解
者百有餘日姑病篤嘗穢以驗病情迨姑卒哀毀致疾
夢入城隍廟見姑爲之哀籲陳其孝行醒時病倏愈

王春和妻尹性至孝事翁姑先意承志家極貧甘旨之供不少缺更爲夫告貸置妾得生二子夫患病刲股救之得痊

朱雲福妻郭家極貧翁嘗冬日無衣氏脫己衣與翁着而別着敝葛忍凍不言姑病瀕危氏親嘗姑穢以驗病情

邑庠生劉筵妻刁性柔順事翁姑如父母翁患中滿氏刲股煎湯以進得愈家貧氏以針黹佐甘旨而自率子女茹蔬素姑卒時泣謂氏曰得汝爲婦吾復何憾耶

議叙從九徐禮達妻吉 家貧典簪珥奉姑病刲股以奉及姑歿設祭必擇生前所嗜者

寶應縣志 卷二十一 節孝 六 列女志

胡鳴皋妻潘鳴皋歿姑年已八十有一家極貧鳴皋又無子困苦艱窘一身當之姑病劇氏刲股和藥以進禱神願減已算益之疾遂愈越六年姑又病甚氏禱於神復又愈姑年九十三無疾歿氏嘆曰夫死未從以有姑在也吾死矣遂絕粒不食族某勸以爲夫立嗣以延宗祧斯乃爲孝氏從之後每值祭日哀慕不少哀云

孝子張彥方妻問 待姑至孝 王榮楠妻朱 侍翁姑至孝夫病篤氏禱神減己壽以益夫夫病果愈而氏竟

卒 陳紹先妻郝 刲股療姑 薛鳳秋妻朱 事翁姑以上均同治十三年旌

范儀標妻汪 幼卽孝親于歸後姑病禱神刲股和藥愈姑

朱念曾妻吳吳之咸女夫歿有翁在堂氏悲慟欲殉族

老諭止之及翁歿殮葬如禮撫二子成立紡績自給年八十三卒

儒童謝相秋妻盧言笑不苟事父母極誠夫以舊宅窄狹娶於外氏嘆曰人子離母而媳亦因之違姑厥理安在訪宅旁有茅屋出簪珥易之而居姑病焚香祈天願以身代凡兩刲股以愈姑疾邑侯唐公汝明署其堂曰孝淑可風

郡庠生楊景員妻張謹事翁姑翁年邁家貧氏有白金五百兩存母家取付景員爲翁償債景員難之氏曰我爲楊氏婦此金卽翁姑之金也景員乃受之

寶應縣志

卷二十一

節孝

七

列女志

孝子成載勳妻劉孝事翁姑翁以食指繁逋負日重氏盡出簪珥償之載勳奔走四方以謀菽水氏以婦代子職孝彌篤翁患膈載勳日購甘旨氏不俟梳櫛卽烹調以進翁姑病篤載勳未歸凡衣櫥之屬氏力任得無隕越族黨咸欽敬之

候選從九品仲殿榜妻蔡幼時刲股療母疾愈及于歸家甚貧姑在外針黹自給氏奉姑歸曰有媳在何能令吾姑更受此苦也姑病篤勺飲不能入氏以口度米汁飲之凡四十餘日不離床寢姑病以愈

梁桂黃妻王

刲股療母及夫以
上均光緒五年旌

贈太僕寺卿孔繼鑠妾劉事姑極孝姑年衰多病氏治
食飲必清潔扶持起臥一身先之姑患痰疾危氏籲天
剖臂和藥以進得痊

同知銜候選縣丞朱士棟妻吳歲貢生駒女未嫁時母
病臥床十餘年氏侍母側未嘗少離于歸後奉翁姑敬
謹有禮翁構危疾氏禱神祈益以己算得瘳姑歿翁之
飲食服御不敢假手奴僕平時辨色而興待漏而息樂
善好施蓋出於天性云

傅家和妻王未嫁以孝聞及于歸家赤貧翁無所養氏
以針黹供菽水道光二年夏夫與翁相繼歿氏無力營

寶應縣志

卷二十一

節孝

八

列女志

葬停柩於室鄰火延燒幾盡氏堅不肯避誓與棺俱燼
火熄四鄰皆成焦土獨氏茅屋三間巍然獨存人以爲

孝感所致

孝子劉夢白妻朱

孝親
孝姑

程松齡妻劉

姑病嘗穢剖
股姑疾遂愈

庠生胡靖

庭繼妻劉

剖股療姑
以上
光緒十二年旌

佾生王大咸妻郝

孝親姑病危每夜禮斗願以身代姑姑
病遂愈復活十餘年之久翁病亦如之

田桂妻王

姑病篤剖股療姑
以上光緒十四年旌

贈奉直大夫縣學生史文達妻沈

剖股療姑旌表入祀
光緒十六年旌

武童王涂達妻陸

家貧以針黹奉姑姑病重焚
香籲天願以身代姑病以愈

孝子王壽昌妻李幼遭親喪哀痛異常人長適壽昌姑

歿翁老有殘疾小姑將嫁奩資無出氏乃以己奩贈之
翁欣然憂解而病稍已然翁屢病氏曾割股和羹進後
又與夫各割股入藥中迨翁卒壽昌思父致成聾聵氏
事之愈益周密焉

河南知縣胡金淦妻陶淮安陶旬女性和柔事姑孝金
淦宦遊豫氏以婦代子職姑患急症氏禱神乞代姑歿
佐夫經營喪務殯奠盡禮氏嘗病篤得義僕端木婦侍
奉獲痊後至豫疾復劇端木婦割股煎湯與藥並進竟
愈三年後乃卒端木昌氏其夫久出未歸家人欲奪其
志婦抱子依氏氏復待之有恩故以割股報也時論兩

寶應縣志

卷二十一 節孝

九

列女志

賢之

以上均光緒十九年旌

劉遇春妻喬

光緒二十五年由揚州旌

潘航林妻顏

孝親事舅姑孝思尤篤

孫自清妻笄自清姑之子也幼失怙恃養外家稍長和
順知禮自清父以字自清氏以生不獲事父母而以事
父者事母舅先後無稍異自清病氏割股和藥以進病
旋愈

儒童成毓麇妻劉

事父母至孝事翁姑亦至孝母病割股以進

按察司照磨銜監生劉三濤妻吳性幽嫻粗通經史幼
孝事繼母于歸後謹奉舅姑小姑有殘疾撫之如妹小

姑德之遂守貞不嫁姑病篤氏禱神願益以已算姑果
瘳後壽至八十餘時氏亦老矣而孝敬不稍衰相夫課
子戚黨稱之

以上均光緒三十二年旌

職附貢生朱百遠妻王宿遷封翁娶女年十九歸朱姑
田年老患痺舉止需人氏先意承志夙夜罔懈光緒五
年秋夫患痢劇氏禱天求代刲臂和藥進獲瘳卒年三

十四

光緒年間旌

張鑄賢妻徐

張丙鑫妻蔡

以上宣統二年旌

恩貢生孝子王德尊繼妻周 授奉政大夫成灋乾妻

芮 試用訓導贈中憲大夫成書雲繼妻湯

以上已旌未詳年代

寶應縣志

卷二十一

節孝

十

列女志

附貢生劉元熙妻潘雲千女性賢孝光緒甲申姑病篤
親侍湯藥日夜調護孝逾於女後二年翁煜患癰疽膿
血潰床褥二便莫能起家貧無僕氏親為換撤天微明
獨至戚家汪洗滌污穢如是三年無怨言亦無怨色光
緒庚子元熙大病潘每夕祝神乞代刲股數次和藥以
進元熙獲愈焉

喬開甲妻陳事翁姑至孝翁病劇氏刲股和藥以進夜
焚香籲天百拜以禱積四十九日無倦容翁疾以瘳奉
翁姑飲食必親烹飪有疾亦強為之翁謹於祭祀氏承
翁意益致豐潔翁姑有不悅恆百端慰解年四十一卒

遺一子名鍾輝
以上未旌

以上孝婦

寶應縣志

卷二十一

節孝

十一

列女志